

## Pol nember tup nal lenge Efesus

<sup>1</sup> Nam Pol. O nasande kitikin Got pe, kin nalanatme nam ta e naiye aposel tikin Jisas Kraiss. Tup e e nam member mal lenge miye tuweinge tikin Got naiye yarp ya yoto moi embere Efesus naiye noihmbwaip tinge tejeime Jisas Kraiss.

<sup>2</sup> Yai Got poi topo e Lahmborenge Jisas Kraiss ka noih mi mi me yip, topo e ka yende noihmbwaip yip ka si numwaiye.

*Nato Kraiss pe, Got pwal poi nai e nai e bwore bwore tikin moihla*

<sup>3</sup> Ya hriphrip mahra e nanj tikin Got naiye kin Yai tikin Lahmborenge poi Jisas Kraiss! Poi tongor mal Kraiss pe, Got pwal poi nai e nai e bwore bwore tikin moihla naiye ka ungwisme yipihinge bwore poi.

<sup>4</sup> Teter naiye Got yukur nende kekep pe, kin si nalanatme poi naiye ya murp moto Kraiss. Ta e luku pe, nato Kraiss ya murp yirise supule topo e ya murp holi bwore mise supule mil nembep kin.

<sup>5</sup> Kin nende nihararme poi pe, somohonme kin nalanatme poi naiye ya murp tu e talah kitikin mil moto Jisas Kraiss.

<sup>6</sup> Poi ya lalme mahra e nanj tikin Got naiye kin noih mi mi me poi. Detale, Talah esep kin ilyeh uku, naiye kin nende nihararme pe, kin pwal poi pakaiye.

<sup>7</sup> Krais nule nal loutungwarmbe pe, hwap lalme ɲaiye poi mende pe, wim kin si nongohe mi e ko. Kin ɲende poi marp bwore hlaininge. Ɖoih mi mi tikin Got pe,

<sup>8</sup> kin ɲembere supule. Topo e Got pwal poi sande teke e, topo e ɲoihmbwaip bwore bwore kitikin natme poi.

<sup>9</sup> Somohonme Got si ɲoiheryembe ɲai uku ɲaiye ka ende oto wah tikin Krais. Kom ɲoihmbwaip kin uku sai tase tatame ɲaiye tukwini kin si pasam poi.

<sup>10</sup> Ɖup kitikin uku ka ot pe, Got ka uwil e ember ɲoihmbwaip tase kitikin ɲaiye kin si ɲoiheryembe sai. Kin ka enge ɲai e ɲai e lalme ɲaiye sai nanah moihla , topo e nate gah kekep ote guhilyeh pe, Krais ka orp tu e miye ondoh.

<sup>11</sup> Got se ka ende ɲai e ɲai e lalme luku gunde ɲasande topo e ɲoihmbwaip kitikin. Got si nalanatme poi ta e miye tuweinge kitikin. Pe poi ya mil tongor mil Krais supule gunde ɲaiye somohonme kin ɲoiheryembe.

<sup>12</sup> Poi lenge miye tuweinge Juta pe, poi ɲendehei ɲaiye ɲoihmbwaip poi teɲeime Jisas pe, poi gwande kin. Poi ya mahra e nan tikin Got mi moto bongol kin, topo e yirise embere kin.

<sup>13</sup> Topo e ɲupe ɲaiye yip haiten yisande wusyep bwore mise tikin Got no, ɲoihmbwaip yip teɲeime Krais pe, wusyep bwore mise luku kin nungwisme yip. Mi e pe, Got nember wutu tikin Yohe Yirise gahanahme yip ɲaiye kin si ɲanange nalanatme.

<sup>14</sup> Topo e poi sisyeme ɲaiye mindemboi se ya mamba e ɲai e ɲai e bwore bwore lalme ɲaiye Got ɲanange nalanatme nange ka angange lenge miye

tuweinge kin. Pe tinge ka yurp hlaininge. Detale, poi si mamba e Yohe Yirise. Ta e luku pe, poi ya n̄oihmeriyembe wah embere embere n̄aiye Got n̄ende pe, ya mahra e nan̄ kin.

*Pol n̄anange wusyep n̄isilihme Got n̄aiye ka angange sande teke e kitikin el lenge miye tuweinge Efesus*

<sup>15</sup> N̄am masande wusyep nange n̄oihmbwaip yip teñeime Lahmborenge Jisas, topo e yip yende ni-harame lenge miye tuweinge lalme tikin Got.

<sup>16</sup> Ta e luku pe, n̄am yukur masme n̄oihmbwaip n̄aiye n̄am manange wusyep hriphrip me Got me yip. N̄am n̄oihmeriyembe yip n̄upe n̄aiye n̄am manange wusyep topo me Got.

<sup>17</sup> N̄am misilihme Got tikin Lahmborenge poi Jisas Krai. Kin Yai tikin yirise embere topo e bongol supule. Kin ka yul yip sande teke e bwore n̄aiye pa sisyeme kin.

<sup>18</sup> N̄am misilihme Got n̄aiye ka owor e n̄ondoh yip no, yirise kin ka ote oto n̄ondoh yip. Ta e luku pe, yip pa n̄oihmeriyembe n̄aimune n̄aiye kin nalan̄atme n̄aiye ka yul yip. Yip pa sisyeme n̄aimune bwore bwore n̄aiye Got si nalan̄atme sai me lenge miye tuweinge kitikin.

<sup>19</sup> Topo e bongol embere tikin Got uku n̄aiye n̄ende wah nato poi lenge miye tuweinge n̄aiye n̄oihmbwaip poi teñeime kin. Bongol uku, ki embere embere sekete.

<sup>20</sup> Bongol n̄ilyeh uku n̄aiye Got n̄ahra e Krai nasme nule pe, kin nember kin narp nal syep non kitikin nanah moihla, n̄aiye ka hindi bepeteme n̄ai e n̄ai e lalme.

<sup>21</sup> Ta e luku pe, Krai narp nanah hla supulme lenge yipihinge pupwa ηaiye bongol, topo e lenge miye ondoh lalme, topo e lenge gavman, topo e lenge ηai e ηai e lalme ηaiye tikin bongol. Kin narp nanah hla me lenge yipihinge, topo e lenge miye lalme embere embere ηaiye di naη tahar tahar tukwini le e topo e ηaiye mindemboi boi.

<sup>22</sup> Got nember ηai e ηai e lalme gah ηhip tuweihe Jisas pe, kin ηende kin narp miye ondoh me ηai e ηai e lalme luku, topo e kin miye ondoh tikin sios.

<sup>23</sup> Sios pe, ki wahri tikin Krai. Pe bongol tikin Krai ki paparar supule nal e nal e nato kekep lalme topo e moihla , topo e kin nangange bongol kin uku nato sios kin lalme.

## 2

*Got si ηende poi miye tuweinge ηaiye si mule plihe marp laip topo e Krai*

<sup>1</sup> Somohonme yip yengelyembe wusyep, topo e yip yende hwap wula wula pe, ki yambe yip pe, yip yule.

<sup>2</sup> Nup uku pe, yip jande yanah pupwa tikin kekep e e. Yip jande ηoihmbwaip tikin miye ondoh lenge yipihinge pupwa ηaiye yarp yanah hla . Yipihinge pupwa luku kin ηende wah nato ηoihmbwaip lenge miye tuweinge ηaiye yukur jande wusyep tikin Got.

<sup>3</sup> Somohon poi lalme marp ta e lenge mitin uku pe, poi gwande ηasande ηaiye ηoihmbwaip telei topo e ηoihmbwaip potopoi. Naiye poi ya murp tu e luku pe, poi ya mamba e yitini pupwa ηaiye Got

si nende mi mi sai n̄aiye ka angange lenge miye tuweinge lalme n̄aiye yende pupwa.

<sup>4</sup> Kom n̄oih mi mi topo e n̄oihmbwaip kin n̄aiye nende nihararme poi pe, ki n̄embere sekete supule.

<sup>5</sup> Poi mengelyembe wusyep kin pe, hwap pupwa n̄aiye poi mende luku pe, ki si pwamb poi pe, poi mule. Kom Got nungwisme poi pe, poi marp laip topo e Krai. Detale, Got kin n̄oihginirme poi.

<sup>6</sup> Poi gwahilyeh topo e Krai Jisas pe, kin n̄ahra e poi topo e kin pe, poi topo e Krai ya mil moihla .

<sup>7</sup> Got nala asambe n̄oihginir embere embere kin elme lenge miye tuweinge lalme n̄aiye tukwini yarp, topo e mindemboi ka yurp. Detale, n̄oihginir kin tahar embere nato wah tikin Krai Jisas.

<sup>8</sup> Got kin n̄oihginirme yip ti, kin plihe namba e yip pe, n̄oihmbwaip yip teŋeime Krai. Pe yukur pa yamba e nan embere me n̄ai uku, pakai. Luku yitini tikin Got n̄aiye kin yal yip pakaiye.

<sup>9</sup> Got namba e yip pakaiye. Yukur kin namba e yip gande wah bwore yip, pakai. Ta e luku pe, yukur miye ende ka se ahra e nan kitikin nange ki nende.

<sup>10</sup> Got si nende poi tahar ambaran nato Krai Jisas pe, Got si n̄oiheryembe n̄aiye ya mende n̄ai e n̄ai e bwore mungwisme lenge miye tuweinge.

*Krai nenge n̄oihmbwaip michukor nat pe, kin nenge lenge Juta topo e lenge haiten jahilyeh*

<sup>11</sup> Yip sisyeme n̄aiye somohon yip haiten miye tuweinge. Ta e luku pe, lenge Juta n̄aiye si yotombo wahri tinge, yana yip na, “Lenge miye iki yukur yotombo wahri tinge.”

<sup>12</sup> Nup uku pe, yip yarp wohme Kraiss. Yip yarp ya tas wicher me lenge miye tuweinge Israel najaye Got nalanatme. Yip yukur yarp yal yoto wusyep tupwai najaye Got nupwai e notop lenge miye tuweinge kin. Yukur najinde bwore sai kekep e e najaye pa yurp yeseperhme najaye mindemboi ka ungwisme yip, topo e yip yukur sisysteme Got.

<sup>13</sup> Somohon yip yarp wohme Got. Kom tukwini pe, yip si yate yarp sehei me Kraiss. Detale, Kraiss nule pe, wim kin turu nate gahme yip pe, kin nenge yip nal sehei me Got.

<sup>14</sup> Kraiss nenge noihmbwaip michukor nat pe, kin nende lenge Juta yate jahilyeh yotop lenge haiten. Kraiss nenge wahri kitikin nuluwau lem najaye sai bumble me tinge pe, wachaih tinge mi e ko.

<sup>15</sup> Kin ginyenme wusyep erneme tikin Moses, topo e wusyep sye najaye sai topo e. Kin nende ta e luku no, ka enge lenge Juta topo e haiten ote guhilyeh no, ka tu e najaye lenge miye tuweinge ambaran pe, ka juhilyeh yotop kin. Kin nende ta e luku pe, ya murp noihmbwaip ilieh.

<sup>16</sup> Kin nule nal loutungwarmbe pe, kin nenge lenge wachaih hoi uku yate jahilyeh. Pe kin nenge lenge natme Got.

<sup>17</sup> Ta e luku pe, Kraiss nate nanange nalanatme wusyep bwore mise tikin noihmbwaip michukor. Kin nanange nal lenge haiten najaye yarp wohme Got, topo e lenge miye tuweinge Juta najaye yarp sehei me kin.

<sup>18</sup> Nato Kraiss pe, Yohe Yirise nijelyeh najaye kin nember lenge Juta topo e lenge haiten yatme Yai

jande wah ηaiye Krajs ηende me poi lalme.

*Poi Kristen lalme pe, poi yukoh yirise tikin Got*

<sup>19</sup> Ta e luku pe, yip haiten ηaiye si tahar Kristen yukur yarp yuwor yuwor yal ηembep tikin Got, pakai. Yip bantihei ilyeh ηaiye yarp yotop lenge miye tuweinge holi bwore mise supule tikin Got. Yip yarp bantihei tikin Got.

<sup>20</sup> Yip ta e yokoh ηaiye Got ηende. Lenge aposel, topo e lenge profet pe, tinge ta e tumwange ηaiye Got si ηononde. O Krajs Jisas pe, kin tumwange miye bwore mise.

<sup>21</sup> Yokoh barnange luku, ki sai tongor nal Krajs pe, ki narpe yokoh orope lalme dil supule. Ta e luku pe, Got teter ηende wah ηende yokoh uku pe, ki nala ende ηembere pe, yokoh uku ka si yukoh yirise tikin Lahmborenge.

<sup>22</sup> Got si nenge yip gahilyeh topo e Krajs pe, yip si miye tuweinge kitikin pe, yip si ta e yokoh tikin Got ηaiye ka hindi Yohe Yirise kin yurp yi yoto.

### 3

*Pol ηanange nalanatme wusyep bwore mise nal lenge haiten*

<sup>1</sup> Nam Pol, ηam marp mwahupwai e. Tehei kin ta e le e, ηam mende wah me Krajs Jisas pe, ηam misilihme Yai, ηaiye ka ungwisme yip lenge haiten.

<sup>2</sup> Bwore mise! Yip si sisysteme ηaiye Got ηoih mi mi me ηam pe, kin nalanatme ηam ηaiye ma mende wah me yip.

<sup>3</sup> Njam si mainge wusyep sikirp me najai uku najaiye Got si nanange nowor e ember noihmbwaip tase kin uku natme nam.

<sup>4</sup> Topo e najaiye pa jonose wusyep najaiye nam mainge pe, yip se pa sisyeme najaiye nam sisyeme bwore mise wusyep tase tikin Krai.

<sup>5</sup> Somo somohonme pe, Got yukur nanange nowor e nember wusyep tase luku nal lenge miye tuweinge. Kom tukwini najaiye wah tikin Yohe Yirise pe, Got si nanange nowor e nal lenge aposel holi bwore mise supule, topo e lenge profet kiti.

<sup>6</sup> Wusyep tase luku pe, ki ta e le e. Nato wusyep bwore mise pe, yip lenge miye tuweinge titinge haiten pe, tukwini yip yarp yotop lenge Juta ta e bantihei topo e wahri ilyeh nato Krai pe, poi ya lalme mamba e najai e najai e najaiye Got si nupwai e.

<sup>7</sup> Got kin nende nam tahar ta e najaiye miye wah najaiye ma mininge malangatme wusyep bwore mise luku. Kin noih mi mi me nam pe, kin pwale bongol embere kin uku najaiye ka ende bongolme nam no, ma mende wah uku.

<sup>8</sup> Njam marp tuwihme lenge miye tuweinge lalme tikin Got. Kom kin noihginirme nam pe, kin pwale wah najaiye ma mininge malangatme wusyep mise kin uku mil lenge haiten. Wusyep bwore mise luku pe, kin nanange najai e najai e bwore bwore tikin Krai najaiye lenge miye tuweinge yukur ka yiyar e, topo e ka jonose.

<sup>9</sup> Got kin nende najai e najai e lalme, kom kin ninise noihmbwaip kin me naimune najaiye kin nala ende. Noihmbwaip tase kin uku pe, ki sai tase somo-



honme. Kom tukwini pe, kin pwale wah ηaiye ma mininge malanjatme ηoihmbwaip tase kin uku.

<sup>10</sup> Kom tukwini Got ηende sande teke e ηembere, topo e ηoihmbwaip bwore bwore kin nate tas halhalme sios, ηaiye lenge walip hla bongol, topo e lenge yipihinge tikin moihla, tinge topo e ka sisysteme ηoihmbwaip tikin Got.

<sup>11</sup> Got kin ηende ηai uku gande ηaimune ηaiye kin ηoiheryembe nye nyermbe. Nato wah tikin Krai Jisas, Lahmborenge poi pe, Got si ηende wah uku.

<sup>12</sup> ηoihmbwaip poi teηeime Krai pe, poi yukur hi gwarnge, ηaiye ya gwini bongol mi ηembep tikin Got.

<sup>13</sup> Ta e luku pe, ηam misilih yip ηaiye yukur pa ηoiheryembe wula me nihe syohe le e ηaiye ηam mamba me yip. Yanah uku ka ungwisme yip no, pa yurp bwore topo e Got.

### *Pol ηisilihme Got ηaiye ka ende bongolme bilip lenge Efesus*

<sup>14</sup> ηam ηoiheryembe ηaimune ηaiye Yai si ηende pe, ηam masar e ηimbep misilihme kin.

<sup>15</sup> Kin Yai lenge mitiη lalme ηaiye yarp yanah moihla topo e kekep pe, kin nangange nan ilyeh ilyeh nal me tinge.

<sup>16</sup> Got kin bongol sekete, topo e yirise supule pe, ηam misilihme Got ηaiye ka yul yip Yohe Yirise no, ka ende bongolme ηoihmbwaip yip.

<sup>17</sup> Topo e ηam manange wusyep misilihme Got ηaiye Krai ka orp el oto ηoihmbwaip yip. Detale, ηoihmbwaip yip si teηeime kin. Topo e ηoihmbwaip ηaiye yende niharar lenge mitiη topo e Krai pe, ka si bongol el oto ηoihmbwaip yip.

<sup>18</sup> Ta e luku pe, lenge miye tuweinge tikin Got lalme pa yamba e bongol tutume ηaiye pa sisyeme gondoume ηoihmbwaip tikin Kraiη ηaiye ηende ni-harar lenge mitiη. Pe ki ηembere supule, topo e sokoloh sekete, topo e nanah hla supule, topo e nangah nal supule.

<sup>19</sup> Mise, ηoihmbwaip tikin Kraiη ηaiye ηende ni-harar lenge mitiη pe, ki ηembere supule pe, kin nengelyembe sande teke e lalme. Kut yip tatame ηaiye pa sisyeme ηoihmbwaip kin uku. ηai e ηai e bwore bwore luku ki paparar nato me Got. Pe ki tatame ηaiye ka yul yip topo e.

<sup>20</sup> Bongol tikin Got ηaiye sai nato ηoihmbwaip poi pe, ki tatame ka ende wah engelyembe ηaimune ηaiye poi ηoiheryembe, topo e ηaimune ηaiye poi mis-ilihme Got nange ka ende.

<sup>21</sup> Ta e luku pe, lenge miye tuweinge tikin sios ka yahra e naη Got yoto naη tikin Kraiη Jisas nye nyermbe. Mise.

## 4

### *Poi Kristen pe, poi wahri ilyeh tikin Kraiη*

<sup>1</sup> ηam Pol, ηam marp mwahupwai e. Detale, ηam mende wah tikin Lahmborenge. Pe ηam da mini yip ηaiye pa yurp junde wusyep ηaiye Got si gal yip.

<sup>2</sup> Pa syumbe yurp ηumwaiye, topo e yukur pa yende wachaih yilme lenge miye ηaiye yende wachaihme yip. Pa yasambe ηoihmbwaip yip ηaiye yende niharar yil lenge mitiη, kut yukur pa ηoiheryembe ηai e ηai e pupwa ηaiye tinge yende me yip.

<sup>3</sup> Yohe Yirise ki yal yip ñoihmbwaip ilyeh pe, pa yende wah nihe ñaiye pa yurp juhilyeh topo e ñoihmbwaip ñumwaiye.

<sup>4</sup> Wahri poi kin ñaisep ilyeh, topo e Yohe Yirise, kin ñaisep ñilyeh. Ta e luku pe, Got si namba yip ñaiye pa yurp yeseperhme ñaimune bwore bwore ñaiye ka ot.

<sup>5</sup> Lahmborenge ñaisep ilyeh ñaiye kin narp, topo e ñoihmbwaip poi ñaiye teneime kin ñilyeh, topo e ñaiye yamba e pinip ki ñilyeh.

<sup>6</sup> Got kin ñilyeh, topo e Yai lenge miye tuweinge lalme. Kin Lahmborenge poi lalme. Kin ñilyeh ñaiye ñende wah gah bumbe poi lalme. Topo e kin narp nato poi lalme.

<sup>7</sup> Ta e luku pe, Krai kin ñoih mi mi me poi pe, kin pwal poi yitini tikin Yohe Yirise ilyeh ilyeh tongonose gande ñasande kitikin.

<sup>8</sup> Ki ta e ñaiye wusyep tikin Got ñanange na, Njupe ñaiye kin nanah hla supule pe, kin namba e lenge miye tuweinge wula wula ñaiye yarp mwahupwai e yal yotop kin. Pe kin nangange yitini nal lenge mitiñ uku.

<sup>9</sup> Wusyep uku pe, ki nanah hla supule me ñaimune? Tehei kin ta e le e, ñendeheiyeh kin pe, kin nate gah kekep e e.

<sup>10</sup> Ta e luku pe, kin miye esep ilyeh uku ñaiye nate gah kekep pe, kin ilyeh uku ki plihe nanah moihla supule. Kin ka apara e kekep topo e moihla lalme.

<sup>11</sup> Pe kin ilyeh uku nangange yitini nal lenge miye tuweinge kitikin. Kin nalanatme mitiñ sye ta e aposel, sye ta e profet. O sye ta e lenge mitiñ

ηαιye yanange yalanatme wusyep bwore mise tikin Got yal e yal e ta e evangelis. Topo e kin nalanatme mitiη sye ta e pasto, topo e sye ta e jetmam.

<sup>12</sup> Kraiς ηende ηai uku ηaiye ka ungwisme lenge miye tuweinge tikin Got ηaiye ka yende wah kin bworerme. Pe ka ende bongolme sios ηaiye wahri tikin Kraiς mi e pe, ka eηel e enge el.

<sup>13</sup> Nηupe ηaiye ya lalme mute guhilyeh no, ηoihmbwaip poi ka el ηilyeh pe, ya sisysteme Kraiς, Talah tikin Got. Ta e luku pe, poi lenge Kristen ya mamba e ηoihmbwaip bwore bwore tu e Kraiς.

<sup>14</sup> Kut poi yukur ya murp tu e ηaiye lenge lahmakerep. Ya bunjenge musme ηoihmbwaip hoi hoi poi ηaiye teηeime wusyep lenge miye hombo e. Somohon ηaiye miye ende nate ηanange wusyep ηoinde tikin hombo e paηaih poi pe, poi manange wusyep uku ki bwore mise pe, poi gwande.

<sup>15</sup> Kom tukwini poi ya mende niharar lenge mitiη pe, ya mininge wusyep ηaiye ki bwore mise ηilyehme. Poi ya mi tongor mil topo e Kraiς pe, Kraiς kin ηondoh me poi lalme.

<sup>16</sup> Gande ηasande kitikin pe, wahri uku kin neηel e lalme nal ηilyeh bwore mi supule. Wahri poi lalme pe, tinge yende wah tititinge ilyeh ilyeh tongonose. Ki nungwisme wahri lalme tahar bongol. Wahri orope lalme luku tahar ηembere bongol bwore mi supule pe, ki paparar me ηoihmbwaip ηaiye ηende niharar lenge mitiη.

*Lenge Kristen miye tuweinge ka junde ηoihmbwaip ηambaran*

<sup>17</sup> Ta e luku pe, nam de ma mini yip wusyep bongol ende tu e le e. Nato nan tikin Lahmborenge pe, yukur pa yurp tu e lenge miye tuweinge tikin kekep e e naiye yukur sisyeme Got. Nohimbwaip topo e noiheryembe tinge si hoi hoi.

<sup>18</sup> Noheryembe tinge tikin yepelmbe supule, topo e noihimbwaip tinge si tingis. Ta e luku pe, tinge yarp ya tas wicher me laip bwore tikin Got.

<sup>19</sup> Tinge yukur ka se hi me naimune naiye tinge yende nange luku ki bwore lakai pupwa. Tinge behembuhu yende. Tinge yal yoto yende hwap tetehei naiye tikin pupwa yehe supule tikin kekep e e naiye tinge noiheryembe ka yende. Ka yende nin pinip yar, topo me nai e nai e pupwa yenge yal.

<sup>20</sup> Kom njupe naiye yip yisande wusyep tikin Krai pe, yukur tinge yalanat yip nai e nai e pupwa luku naiye pa yende topo e, pakai.

<sup>21</sup> Tinge si yalanat yip wusyep mise naiye sai nato Jisas, topo e yip si yisande wusyep kin.

<sup>22</sup> Ta e luku pe, yember naimun pupwa pupwa naiye somohon yip yende liki yil tikihe. Jinyenme noihimbwaip yerkeime pupwa yehe supule naiye kete yip nenge nal nahwikin pupwa.

<sup>23</sup> Noheryembe topo e noihimbwaip yip ka si bwore nambaran supule.

<sup>24</sup> Got nende yip nambaran, nahilyeh ta e kitikin pe, pa yurp bwore bwarme junde yanah mise tikin Got.

<sup>25</sup> Yip pa yusme naiye yininge wusyep hombo e. Yip pa yininge wusyep mise ilyehme yil lenge

miye tuweinge. Detale, poi ilyeh ilyeh, poi wahri tikin Kraiss.

<sup>26</sup> Topo e ηaiye ηoihmbwaip yip ka nihe pe, yukur pa yusme ηoihmbwaip nihe yip uku ka enge yip e oto hwap. Topo e yukur pa yurpe tuhwar yip uku yenge si yi tutume ηaiye ηau ka e guh.

<sup>27</sup> Yukur pa chumbur kohmap me Satan.

<sup>28</sup> Lahmende ηaiye kin ηende ηendei pe, sekei no. Kin ka enge syep kin hoime luku ende wah ηaiye bwore pe, ka se amba e ηaimune ηaiye kin sehei e. Topo e ka aηa e lahmende ηaiye tinge sehei e ηai e ηai e.

<sup>29</sup> Yip yukur pa yininge wusyep tetehei pupwa tus mut yip, na pakai. Yininge wusyep ηaiye ki bwore ηilyehme. Wusyep bwore yip uku ka ungwisme lenge miye tuweinge tikin Got ηaiye ka yurp bwore bwarme.

<sup>30</sup> Topo e yip yukur pa yaηa e ηoihmbwaip mane yilme Yohe Yirise, kin wutu tikin Got ηaiye narp nato yip. Topo e kin nalaηatme ηup tikin Got ηaiye ka amba e yip no, pa yurp hlaininge.

<sup>31</sup> Yip pa jinyenme ηoihmbwaip pupwa, ηoihmbwaip syohe, ηoihmbwaip nihe, wusyep pupwa, wusyep hi e, topo e ηoiheryembe pupwa ηaiye na ende yumbune miye ende.

<sup>32</sup> Pa yasambe ηoihmbwaip bwore bwore yil lenge Kristen miye tuweinge. Pa yusme pupwa lenge miye tuweinge tu e ηaiye Got nasme pupwa yip nato nan tikin Kraiss.

## 5

### *Poi ya murp yirise*

<sup>1</sup> Got kin nɛnde nihararme yip pe, yip si yarp ta e talah kitikin pe, pa yende wah nihe nɛaiye pa yurp tu e Got.

<sup>2</sup> Yarp yip pe, nɔihmbwaip yip ka ende niharar lenge mitin tu e nɛaiye Krai nɛnde nihararme poi. Kin naɲa e wahri kin nɛaiye nungwisme poi lalme. Wahri kin nɛaiye kin naɲa e ta e ofa pe, kin naihe sengehrepe mi supule pe, ki nɛnde Got hriphrip.

<sup>3</sup> Yip si miye tuweinge tikin Got pe, yukur pa yende nin pinip yar, topo e yende solombe pe, yukur pa si yamba e naɲ pupwa me nɛai uku.

<sup>4</sup> Yukur pa yininge wusyep pupwa, topo e yukur pa jonosambalai yininge nɛlim nɛaiye jil naɲ wahri nɛaiye miye lakai tuwei, na pakai. Ki bwore nɛaiye pa yininge wusyep hriphrip yilme Got.

<sup>5</sup> Yip pa sisyeme tu e le e, lenge miye tuweinge nɛaiye yende nin pinip yar pe, tinge ta e nɛmbwat miye nɛaiye gande nɛmbwat tuwei. Lenge mitin nɛaiye yeteke e nɛai e nɛai e no, tinge wim lal pe, ki nɛahilyeh ta e nɛaiye yirisukwarme got hombo e pe, lenge miye tuweinge lalme luku yukur ka yute yoto lemame tikin Krai hindi Got.

<sup>6</sup> Nɔihme nɛaiye pa yusyunde wusyep molohe lenge miye nɛaiye ka yute hombo e yaɲaih yip no, pa yende nɛai e nɛai e tetehei pupwa luku. Nɔihmbwaip nihe tikin Got ka si lenge miye uku nɛaiye yengelyembe wusyep kin.

<sup>7</sup> Ta e luku pe, yukur pa plihe yila juhilyeh yotop lenge miye hombo e luku.

<sup>8</sup> Yip iki pe, somohon yip yarp yepelmbe, kom tukwini Lahmborenge si nember yip yarp yirise.

Ta e luku pe, tukwini pa yurp tu e lenge miye tuweinge ηaiye yarp yirise.

<sup>9</sup> Yirise ηaiye ki sai nato yip no, ηaisep kin uku pe, ηoihmbwaip bwore bwore, topo e narp bwore bwarme, topo e wusyep mise.

<sup>10</sup> Topo e pa yende wah nihe ηaiye ka ende Got ka hriphrip.

<sup>11</sup> Yip yukur pa yila juhilyeh yotop lenge miye ηaiye yende hwap ηaiye tikin pupwa tekepe supule. ηai e ηai e luku tikin yepelmbe. ηoihmbwaip ηaiye ta e luku yukur nenge ηaisep bwore, pakai. Ki bwore ηaiye ya masamb lenge miye na, hwap ηaiye ta e luku ki pupwa.

<sup>12</sup> ηam yukur ma mowor e mininge ηaimune ηaiye tinge tase taya yende, pakai. ηam hi e ηaiye ma mininge wusyep me ηai uku.

<sup>13</sup> Kom yirise ki nowor e ember ηaimune ηaiye lenge miye tuweinge yende nat nal halhale.

<sup>14</sup> ηupe ηaiye yirise luku ki nanar e nato yepelmbe pe, ηaimune ηaiye ηanar nato yepelmbe luku, ka yeteke e. Luku wusyep tehei ηaiye ki sai ta e le e,

“Yip lahmende ηaiye yate posoh, pa tuhur.

Yip tuhur yusme ηehēh no, Krai ka yul yip yirise.”

*Pa yurp yi yoto bongol tikin Yohe Yirise*

<sup>15</sup> Ta e luku pe, yip ηoihme ηaiye yarp yip. Yip yukur pa yurp tu e lenge miye kwote, na pakai. Kom pa yurp tu e lenge miye ηaiye sisyeme.

<sup>16</sup> Yip ηoihme! ηup e e pe, ηup pupwa tikin lenge miye tuweinge ηaiye yende hwap. Kom nye nyermbe pe, pa yende ηai e ηai e ηaiye ki bwore.



<sup>17</sup> Yip yukur pa yende bwili e bwula e yende ηai e ηai e tetehei ηaiye ki pupwa. Kom yip pa yende ηaimune junde ηaiye Lahmborenge ηasande.

<sup>18</sup> Yip yukur pa yono e pinip kwote no, ηondoh yip ka talalai ende kwite kwote. Na pakai. Yip pa papararme Yohe Yirise tikin Got.

<sup>19</sup> Njupe ηaiye pa juhilyeh yotop lenge miye tuweinge tikin Got pe, pa yosoko wenersep ηaiye sai nato Tup Wenersep, topo e wenersep sye tikin lotu, topo e wenersep sye ηaiye Yohe Yirise ki nember nato ηoihmbwaip yip. Topo e yip pa yosoko wenersep yilme Got tus mut topo e ηoihmbwaip yip.

<sup>20</sup> Nye nyermbe yip pa yininge wusyep hriphrip yilme Yai Got me ηai e ηai e lalme yi yoto nan tikin Lahmborenge poi Jisas Kraiss.

*Pol kin ηanange wusyep me dindi*

<sup>21</sup> Yip pa yurp tuwihme lenge miye tuweinge tikin Got. Detale, Kraiss kin Lahmborenge yip.

<sup>22</sup> Yip lenge tuweinge, pa yurp tuweihe lenge miye tip tu e ηaiye yip lalme yarp tuwihme Kraiss.

<sup>23</sup> Ki ta e ηaiye miye kin ηondoh me tuwei kin, ηahilyeh ta e Kraiss kin ηondoh me sios. Pe sios wahri tikin Kraiss, kut Kraiss kin nule nungwisme sios.

<sup>24</sup> Sios yarp tuwihme Kraiss. Pe ki ηahilyeh nalme yip lenge tuweinge ηaiye pa yurp tuwihme lenge miye yip.

<sup>25</sup> Lenge miye, yip pa yende niharar lenge tuweinge tip tu e ηaiye Kraiss ηende nihararme sios kin no, kin nule berme ti.

<sup>26</sup> O nato wusyep mise topo e ηaiye yamba e pinip pe, Krai kin nungurhme sios kin pe, ti tahar bwore bwarme mi supule wal nembep tikin Got.

<sup>27</sup> Kin da ende sios ta tuhur bwore mi supule wil nembep kitikin pe, yukur ηainde pupwa ηosohe, lakai hro hap ka si wahri ti, pakai. Sios ta wurp holi bwore mise supule pe, yukur ηainde pupwa ka ote onombe el, na pakai.

<sup>28</sup> Ki ηahilyeh nalme yip lenge miye pa yende niharar lenge tuweinge yip tu e ηaiye yip yende nihararme wahri yiptip. Miye ηaiye ηende nihararme tuwei kin pe, ta e ηaiye kin ηende nihararme kitikin.

<sup>29</sup> Miye ende yukur tatame ηaiye ka se ende wachaihme wahri ilyeh kin. Kin naja e ηai pe, kin nembepeme wahri kitikin topo e wahri ilyeh kin bworerme. Ki ηahilyeh ηaiye Krai ηende nalme sios.

<sup>30</sup> Detale, poi ta e ηhip syep, bepmohro tikin Krai.

<sup>31</sup> Wusyep ki sai nato Tup tikin Got ηanange ta e le e,

Ta e luku pe, miye ka osme yai mam kin pe,

ka amba e tuwei ηaiye ka hindi dindi .

Pe ka hindi yurp tu e ηaiye wahri ilyeh.

<sup>32</sup> Wusyep tase le e pe, wusyep tehei kin ki ηembere pupwa supule. Nam ηoiheryembe nange wusyep uku ki ηanange nalme Krai ηaiye ka amba e sios tu e tuwei kitikin.

<sup>33</sup> Kom wusyep e e kin nalme yip topo e. Lenge miye lalme pa yende niharar lenge tuweinge yip ilyeh ilyeh tu e ηaiye yip yende nihararme yip tip.

O yip lenge tuweinge ilyeh ilyeh pa syumbe yurp bwore n̄umwaiye tuweihe lenge miye tip yasamb lenge n̄oihmbwaip bwore.

## 6

### *Pol n̄anange wusyep me talah topo e yai mam*

<sup>1</sup> Lenge talah, yisyunde wusyep lenge yai mam yip. Detale, yip lalme tikin Lahmborenge pe, luku yan̄ah bwore bwarme n̄aiye yip yende.

<sup>2</sup> Wusyep ern̄eme n̄aiye sai nato Tup tikin Got n̄anange ta e le e,

Yip pa yurp tuweihe lenge yai mam yip pe, pa yisyunde wusyep tinge.

Wusyep ern̄eme le e ki n̄endehei, topo e wusyep tupwai sai nato topo e.

<sup>3</sup> Wusyep tupwai uku ki n̄anange ta e le e,

N̄aiye pa yende tu e luku pe, wah lalme n̄aiye pa yende pe,

ka tus bwore, topo e yip pa yurp n̄up sokolohe yurp kekep e e.

<sup>4</sup> Lenge yai, yip yukur pa yongombe yihyele lenge talah yip yende yumbune n̄oihmbwaip tinge no, ka tuhwarme yip, na pakai. Kut pa bepteme lenge bworerme n̄aiye yasamb lenge n̄oihmbwaip bwore bwore yil n̄embep tikin Lahmborenge. Topo e ini lenge wusyep hra embep gunde n̄asande tikin Lahmborenge no, ka hriphrip.

### *Miye wah topo e miye embep*

<sup>5</sup> Yip lenge miye wah pakaiye, hi jirnge lenge miye embep kekep e e pe, yurp tuwihme tinge,

topo e yisyunde wusyep tinge. Yukur pa yende hombo e. Nye nyermbe yip pa ɲoiheryembe ɲaiye pa yende wah bworerme, ɲahilyeh tu e ɲaiye yip yende wah tikin Kraiss.

<sup>6</sup> Yip pa yende ɲai uku bworerme juh ɲembep tinge ɲupe ɲaiye tinge bepsaime yip, lakai yukur tinge bepsaime yip. Yip pa ɲoiheryembe tu e le e, yip yarp miye wah pakaiye tikin Kraiss. Pe ɲoihmbwaip yip ka hriphrip ɲaiye pa junde ɲasande tikin Got.

<sup>7</sup> ɲupe ɲaiye yip pa yende wah pe, ɲoihmbwaip yip ka hriphrip. Yip yende wah me Lahmborenge ilyeh. Yukur yip yende wah me lenge miye .

<sup>8</sup> Yip pa ɲoiheryembe tu e le e, Lahmborenge se ka angange yitini el lenge mitiɲ lalme ɲaiye yende wah kin bworerme, ɲaiye kin miye wah pakaiye, lakai kin miye ɲaiye narp hlaininge.

<sup>9</sup> O yip lenge miye embep, yasambe ɲoihmbwaip bwore yil lenge miye wah yip. Yukur pa yininge wusyep bongol ɲaiye ka ende lenge ka hi worhe. ɲoiheryembe na, Lahmborenge ɲaiye narp moiha pe, kin Lahmborenge yip lalme. Kin ka iyar e lenge miye tuweinge lalme ɲahilyeh.

*Lenge Kristen ka yurp tu e lenge miye wondoh*

<sup>10</sup> Le e wusyep yuwo ɲam ta e le e. Yip pa ɲoiheryembe bongol embere tikin Lahmborenge pe, pa jin bongole tongor yil kin.

<sup>11</sup> Yip pa lalme tunuh me hihyilih lalme tikin yarmbe ɲaiye Got si yal yip. Pa yende tu e luku no, pa se jin bongole yengelyembe wih minjau tikin Satan.

<sup>12</sup> N̄oiheryembe bworerme. Poi yukur marmbe motop lenge miye tuweinge. Kom poi marmbe motop lenge yipihinge pupwa n̄aiye bongol sekete, topo e lenge miye ondoh tikin yipihinge pupwa, topo e n̄ai e n̄ai e sye n̄aiye tikin bongol sekete n̄aiye bepteme kekep n̄aiye tikin yepelmbe. Topo e poi marmbe motop lenge yipihinge pupwa sye n̄aiye yarp yal yanah hla .

<sup>13</sup> Ta e luku pe, tukwini pa tunuh me hihiyilih lalme tikin yarmbe n̄aiye Got si yal yip. O n̄up pupwa n̄aiye ka ot pe, yip tatame n̄aiye pa jin bongole yurmbe yotop miye pupwa. Topo e n̄upe n̄aiye yarmbe luku ka mi e pe, yip teter se pa jin bongol yenge yil. <sup>14</sup> N̄aiye pa jin bongole pe, pa terneme wusyep bwore mise yil mondom yip tu e mwah n̄ap yip. Kut pa juh n̄oihmbwaip bwore bwarme tu e temhron kapa n̄aiye ka apara e hehernge yip.

<sup>15</sup> Kut yip pa yende mi mi n̄aiye pa yila yininge yalanatme wusyep bwore mise tikin Got n̄aiye ka ende lenge miye tuweinge lalme ka n̄oihmbwaip ilyeh. Pe luku ka tu e n̄aiye yip jah n̄ihip hi .

<sup>16</sup> Nye nyermbe n̄oihmbwaip yip ka ten̄ei bongol me Lahmborenge tu e n̄aiye yip yosop wihmbwah. Pa yende tu e luku pe, yip tatame pa tupwaihme sen n̄ombor nihe tikin miye pupwa Satan n̄aiye kesere nat.

<sup>17</sup> Topo e pa n̄oiheryembe yil n̄aiye Got si namba e yip mi e pe, n̄oihmbwaip yip n̄aiye ten̄eime Got ka si tu e n̄aiye yip tan̄ar gala kapa. Kut pa yamba e wusyep tikin Got tu e n̄aiye yip toworme n̄im n̄ombor sokoloh tikin Yohe Yirise.

18 O bongol tikin Yohe Yirise ηaiye ka ungwisme yip pe, pa yininge wusyep topo e Got yisilihme kin ηaiye ka ungwisme yip. Yip pa jin bongole ηaiye yisilih yisilihme Got ηaiye ka ungwisme yip. Topo e yip yukur pa yamba e yohe, na pakai. Pa yisilihme Got ηaiye ka ungwisme lenge miye tuweinge lalme kitikin.

19 Topo e pa yininge wusyep yisilihme Got ηaiye ka pule wusyep ηupe ηaiye ηam mende mi mi ηaiye ma mininge wusyep. Pe ηam tatame ηaiye ma gwin bongole mininge malaηatme wusyep bwore mise ηaiye ki sai tase luku mil halhale.

20 Got kin nember ηam nal ηaiye ma mininge malaηatme wusyep bwore mise le e. Tehei kin uku ti, le e ηam marp mwahupwai e. Pa yininge wusyep yisilihme Got ηaiye ka ungwisme ηam no, ma mininge malaηatme wusyep kin mut loluwe mil lenge miye tuweinge.

*Wusyep yuwo ηaiye wusyep hriphrip*

21 Tikikus kin to bwore poi ende, topo e kin miye wah bwore ende tikin Lahmborenge. Kin ka ini yip wusyep hra embep me ηaimune ηaiye tinge yende me ηam.

22 Le e tehei ηaiye ηam member kin mat no, pa sisyeme na poi marp ta e lai, topo e ka ende bongolme ηoihmbwaip yip.

23 Yai Got hindi Lahmborenge Jisas Kraiss ka yende ηoihmbwaip yip lenge to yuwon ka si ηumwaiye. Topo e tinge tatame ηaiye ka yende ηoihmbwaip yip ka tehei bongole, topo e pa yende niharar lenge mitiη.

<sup>24</sup> Got kin ka ηoih mi mi me lahmende miye  
tuweinge ηaiye yukur yasme ηoihmbwaip ηaiye  
yende nihararme Lahmborenge poi Jisas Krais.

**Wusyep Bwore tikin Got**  
**The New Testament in the Urat language of Papua New**  
**Guinea**

**Nupela Testamen long tok ples Urat long Niugini**

copyright © 2016 Wycliffe Bible Translators, Inc.

Language: Urat

Dialect: Yehre

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-12-22

---

PDF generated using Haiola and XeLaTeX on 18 Apr 2025 from source files dated 31 Aug 2023

b1232770-1b46-5621-8804-a5f6c65fee26